



28.12.2020. god. Osn

INSURANCE AGENCY OF
BOSNIA AND HERZEGOVINA

Na osnovu člana 72. Zakona o javnim nabavkama („Službeni glasnik BiH“, broj 39/14) i člana 7. tačka b) Pravilnika o postupku direktnog sporazuma („Službeni glasnik BiH“, broj 90/14) zaključuje se

**UGOVOR
O PRUŽANJU USLUGA POPRAVAKA I ODRŽAVANJA
PUTNIČKOG MOTORNOG VOZILA**

između:

- 1. Agencije za osiguranje u Bosni i Hercegovini, Sarajevo, Ulica Dubrovačka broj 6 /II, koju zastupa direktorica Emina Jahić (u daljem tekstu: Naručilac) i**
- 2. SERVICE MAXX d.o.o., Sarajevo, Ulica Safeta Zajke broj 181, koji zastupa direktor Nedžad Junuzović (u daljem tekstu: Izvršilac)**

Član 1.

Predmet ovog Ugovora je pružanje usluga popravaka i održavanja putničkog motornog vozila KIA CEE'D 1,6 CRDI VGT LX M/T WAGON, prodaja i ugradnja originalnih rezervnih dijelova, po važećem cjenovniku i normativima Izvršioca, a u skladu sa specifikacijom Ugovornog organa broj: 02-16-4-257-1/20 od 14.12.2020. godine i ponudom Izvršioca dostavljena mejlom od 17.12.2020.godine, koja je prihvaćena po direktnom postupku, koji su u prilogu ovog Ugovora. Ugovorne strane su saglasne da će Izvršilac obavljati sve navedeno u Ugovoru za putničko motorno vozilo KIA KIA CEE'D 1,6 CRDI VGT LX M/T WAGON, koje je u vlasništvu Naručioca.

Član 2.

Ukupna vrijednost usluga koje su predmet ovog ugovora iznosi 1.210,41 KM, bez PDV-a.

Član 3.

Izvršilac se obavezuje da će:

- stručno i kvalitetno obavljati usluge popravaka i održavanja motornog vozila Naručioca;
- u roku od 24 sata od momenta dopremanja motornog vozila u servis uzeti u rad;
- na svom lageru obezbijediti neophodne rezervne dijelove za usluge popravaka i održavanja vozila uz prethodno dostavljenju specifikaciju Naručioca;
- sve usluge popravaka i održavanja vozila Naručioca vršiti u skladu sa planom održavanja vozila, odnosno prema uputama proizvođača istih.

Član 4.

Izvršilac je obavezan vršiti preventivni pregled službenog vozila i obavezan je voditi ažurno evidenciju o izvršenom redovnom, vanrednom i preventivnom pregledu vozila, kao i zamijenjenim rezervnim dijelovima, odnosno navedeno evidentirati u servisnoj knjižici. U knjižici je potrebno posebno obilježavati rok valjanosti pojedinačnog pregleda i pregleda kočnica.

Član 5.

Naručilac se obavezuje da će se pridržavati plana održavanja vozila, odnosno uputa proizvođača istih, uključujući primjedbe Izvršioca. Naručilac se obavezuje da neće koristiti usluge drugih servisa sa područja Kantona Sarajevo za održavanje svog vozila osim u slučajevima kada drugačije nije moguće.

Član 6.

Usluge iz člana 1. ovog Ugovora izvršice se po vrstama i karakteristikama, a na osnovu pismene narudžbe Naručioca. Izvršilac se obavezuje koristiti nove originalne dijelove i originalni potrošni materijal i da će za izvršene usluge popravaka i održavanja službenog vozila, odnosno zamjene rezervnih dijelova koji su bili predmet popravaka i održavanja, isti imati garanciju u trajanju od 12 mjeseci.

Član 7.

(1) Izvršilac se obavezuje da će sljedeće ekspresne servisne intervencije izvršiti odmah, odnosno bez prethodne najave Naručioca i to:

- zamjena akumulatora;
- zamjena metlica brisača;
- opravka ispušnog sistema;
- zamjena kočionih obloga;
- zamjena sijalica, kao i druge servisne intervencije koje ne zahtijevaju dugo vremensko zadržavanje.

(2) Naručilac se obavezuje da redovne servise, koji su predviđeni u servisnim knjigama i uputstvima za upotrebu vozila koje preporučuje proizvođač, neće tretirati kao hitne i za njih neće tražiti izvršenje bez prethodne najave.

Član 8.

(1) Izvršilac će cijenu obavljenih usluga iz člana 1. ovog Ugovora obračunavati na osnovu specifikacije urađenih poslova, utrošenog materijala i ugrađenih dijelova u skladu sa ponudom.

(2) Naručilac se obavezuje da će račun za izvršene usluge, ugrađene ili isporučene dijelove i materijal platiti u roku od 30 (trideset) dana od dana ispostavljanja fakture.

(3) Naručilac se obavezuje da neće stvarati nove materijalno-finansijske obaveze ukoliko je rok za plaćanje prethodnog računa istekao.

Član 9.

(1) Izvršilac se obavezuje osigurati zamjensko vozilo Naručiocu, ukoliko bi popravka vozila trajala duže od 5 (pet) dana po posebnoj cijeni za zamjensko vozilo, koja je propisana od strane proizvođača.

(2) Izvršilac se obavezuje osigurati servisnu službu s vučnom službom za otklanjanje kvarova na terenu ili preuzimanje vozila kod kojeg je kvar nastupio u prometu, a zbog prirode kvara nije u mogućnosti dovesti se do radionice.

Član 10.

Ugovor se zaključuje na određeno vrijeme i to na period od jedne (1) godine počev od dana potpisivanja obje ugovorne strane, a najduže do izbora novog ponuđača.

20 An 2020 u 1 u

Član 11.

Svaka ugovorna strana može jednostrano pokrenuti proceduru za raskid ovog Ugovora ako druga ugovorna strana ne izvršava obaveze preuzete ovim Ugovorom uz otkazani rok od 30 dana (računajući rok od dana prijema otkaza).

Član 12.

Ugovorne strane su saglasne da će sve eventualne sporove u vezi izvršavanja ovog Ugovora nastojati da riješe sporazumno, a u slučaju nemogućnosti rješenja spora sporazumno ugovorne strane su saglasne da je nadležan Sud Bosne i Hercegovine.

Član 13.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

IZVRŠILAC
SERVICE MAXX, d.o.o.


Direktor

Nedžad Junuzović



Service MAXX d.o.o. ①
Safeta Zajke 181, 7100 Sarajevo

NARUČILAC

Agencija za osiguranje
u Bosni i Hercegovini
Direktorica


Emina Jahić



Broj: 40-113/20
Sarajevo, 30.12.2020.

Broj: 02-16-4-257-11/20
Sarajevo, 28.12.2020